

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 48. Zakona o izvršavanju budžeta Zeničko-dobojskog kantona za 2017. godinu („Službene novine Zeničko-dobojskog kantona“, broj: 15/16), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 88. sjednici, održanoj dana 23.02.2017. godine, d o n o s i

ODLUKU

o uvećanju sredstava u Budžetu Zeničko-dobojskog kantona za 2017. godinu

Član 1.

(Predmet)

(1) Odobrava se uvećanje sredstava u Budžetu Zeničko-dobojskog kantona za 2017. godinu („Službene novine Zeničko-dobojskog kantona“, broj: 15/16) za budžetskog korisnika Ministarstvo za rad, socijalnu politiku i izbjeglice.

(2) Uvećanje sredstava u Budžetu Zeničko-dobojskog kantona za 2017. godinu, vrši se na slijedeći način:

a) na razdjelu 20, budžetska organizacija 01, potrošačka jedinica 0001, sredstva na poziciji: 614200 - KAD 207 – Ostali socijalni transferi uvećavaju se za100.000,00 KM

UKUPNO:100.000,00 KM

b) u Budžetu Zeničko-dobojskog kantona za 2017. godinu u dijelu A. PRIHODI u koloni Plan Budžeta 2017. godina na poziciji 732112 – Primljeni tekući transferi od Federacije 100.000,00 KM.

Član 2.

(Namjena korištenja sredstava i izvještavanje)

(1) Odobrena namjenska sredstva Federalnog ministarstva prostornog uređenja, Ministarstvo za rad, socijalnu politiku i izbjeglice Zeničko-dobojskog kantona će utrošiti za Projekat „Saniranje klizišta u Željeznom polju općina Žepče, zaštitni zid u mjesnoj zajednici Vranduk Grad Zenica“.

(2) Ministarstvo za rad, socijalnu politiku i izbjeglice Zeničko-dobojskog kantona se obavezuje da će uplaćena sredstva po osnovu primljenih tekućih transfera od Federacije raspoređivati shodno stavu 1. ovog člana.

Član 3.

(Realizacija Odluke)

Za realizaciju ove Odluke zadužuju se Ministarstvo za rad, socijalnu politiku i izbjeglice i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-_____/17.

Datum, 23.02.2017. godine

Zenica

DOSTAVLJENO:

1x Ministarstvo za rad, socijalnu politiku i izbjeglice

1x Ministarstvo finansija

1x „Službene novine Zeničko-dobojskog kantona“

1x a/a.

PREMIJER

Miralem Galijašević